

երկամարդ ունի 1 ր., խիստանց 50 Կ., Այս-
վազանց 1 ր.: Ոչ ուսանողներ Գոստինյան
(աժադանային) 10 ր., Գեորգ Ելիմանյան 10
ր.: Ընդամենը 46 ր. 30 Կ.:
Պատուական (Մշակի) խմբագրության ու-
ղարկում ենք 46 րուբլի, իսկ 30 կոպեկ գործ
ենք դնում ճանապարհածախսի:

Ենդերարեան

ՆԵՐՔԻՆ ԼՈՒՐԵՐ

Պարսն Թոխմախանի գաղափարական ժա-
մանակ ցոյց տուած հայկական կերպա-
ները իրանց նուրբ գործուածքով, զեղեցիկ
նկարներով և զուարթ գոյնով այնպիսի մեծ ներ-
գործութիւն են արել շատերի վրա՝ որ այժմ
ամենայն տեղ յայտնում են մեծ ցանկութիւն
ուրախութեամբ հազնիկ դրանցից, եթէ հնարք
լինի ձեռք բերել: Խորհուրդ կը տայինք մեր
տեղական վաճառականներին բանալ առանձին
խանութ հայկական ապրանքներ անուշով:
Հաւատացնում ենք, որ մեծ քանակութեամբ կը
տանեն հայկական ապրանքներ նոյն իսկ հեռա-
ւոր գաւառներից: Այդպիսով նախ կը շահվեն
հայ վաճառականները, երկրորդ՝ Հայաստանի ար-
դիւնագործութիւնը կենսականութիւն և գործա-
դրութիւն ստանալով, խիստ կը զօրանայ և վեր-
ջապէս մեր գրամական հարստութիւնը Հայաս-
տանում կը ժողովի:

Լսում ենք, որ Ներսիսեան դպրանոցը
այս վերջին տարիները խիստ մեծ ուշադրու-
թիւն է դարձնում Հայաստանի ուսումնասիրու-
թեան վրա և այդ նպատակով նշանակել է առան-
ձին դասեր Հայաստանի աշխարհագրու-
թեան և համար թէ վերին և թէ ստորին դասա-
րաններում Այժմ էլ հիմնում է հայկական թան-
գարան, որ պէտք է զետեղվեն Հայաստանի ա-
մեն տեղերի արդիւնարկական և արդիւնագոր-
ծական հարստութիւնները:

Այս տարի Ներսիսեան ուսումնարանի հո-
թերորդ դաստանը կրկին բարձրում է մանկա-
վարժութեան համար հրաւիրում է պ. Բահաթ-
րեանը, որ հռչակվեցաւ որպէս շեքեթ մանկա-
վարժ ուսուցիչներում...

Լսում ենք, որ վրաստանի և խմբի թեմա-
կան վերադասող Գ. Բարդուղարեանը առաջի-
կայ սեպտեմբերից մտադիր է անպայման բոլոր
հայ ուսումնարաններում մտցնել Հայաստանի
աշխարհագրութիւնը իրեն առանձին ա-
ռարկայ և նրա վրա առանձին ուշադրութիւն
դարձնել: Երբեք որ այդքան ուշ են հասկա-
նում միայնիք Հայաստան ուսումնասիրելու
հարցը, բայց լաւ է ուշ, քան երբեք:

ՇՈՒՇՈՒՅ, պ. Տ. Նազարեանց խնդրում է
մեզ յայտնել հետեւեալը: Վոյս տեսաւ մեր հրա-
տարականութիւնների երրորդ զբոյրը «Երկու
Մանրակա» (Լուսն տալան և Մէլիզինի քննան),
Ալֆոնս Գոդիէ, Գինն է 15 Կ.: Հայերէն Սуша,
Тиграну Назарянц:

ՇՈՒՇՈՒՅ մեզ գրում են. Անցան սամսներ,
զեռ տեղային դպրոցի հոգաբարձութեան ընտրու-
թիւնը չէ վերջացած: Այսպիսով ոչ միայն զբո-
րոցը մնացել է անտէր, այլ ահազին եկեղեցա-
կան կալուածներ, որ հոգաբարձութեան կառա-
վարութեան ներքոյ էին, և որոնցից դպրոցը
խրաբանչիւր տարի հազարներով եկամուտ էր
ստանում, — մնացել են առանց հսկողութեան:
Մի քանի թուրք բէկեր արդէն սկսել են յիշեալ
եկեղեցական կալուածների մասին դատ բաց ա-
նել և խնդիր են ներկայացրել, բայց թէ դպրո-
ցի և թէ եկեղեցու իրաւունքները այդ կա-
լուածքների վերաբերութեամբ պաշտպանող չը
կայ: շատ հասկանալի է, որ թուրքերը կը վառ-
տակեն դատը: Նամակագիրը աւելացնում է, որ
խռովութիւնների պատճառը տեղային յաջորդն
է, որ ժողովրդի մէջ երկպառակութիւն սերմա-
նելով, ամեն ինչ քանդում է:

Մեզ գրում են ՇՈՒՇՈՒՅ, Այս օրերում վախ-
ճանկեցաւ մի հարուստ վաճառական Ա. թ. հա-
զնանդատի օրը քելին տուեցին հանդուցեալի
հոգու փրկութեան համար, որի վրա ծախվեցաւ
աւելի քան 2,000 րուբլ: Աւելի լաւ կը լինէր

այդ գումարը մի այլ բարեգործական նպատակի
համար գործ դնելին:

ՇՈՒՇՈՒՅ գրում են մեզ, որ մի նշանաւոր
կուրս պատանհան մի խումբ թուրքերի և հայերի
մէջ, որը կարող էր վտանգաւոր կերպարանք
ստանալ, եթէ ոստիկանութիւնը չուտ վրա չը
հասնէր:

Պ. Արեւ Ապրեանցը ՇՈՒՇՈՒՅ խնդրում է
մեզ յայտնել, որ նա ստանում է անդադար ծը-
րարներով 1-ր. Բաֆֆիի «Երկու թէ» վէպի հա-
մար, մինչդեռ նրա զինը 1 ր. 20 Կ. է: Եթէ
մէկ րուբլի ուղարկողները չը լրացնեն պակա-
սորը, նրանց զիբք չի ուղարկվի, կարող են ի-
րանց փողը յետ ստանալ:

ՇՈՒՇՈՒՅ գրում են մեզ, որ այս տարի առատ
անձրևներից յետոյ թէ ցորենի և թէ միւս բեր-
քերը խիստ առատ են, բայց չեղածի սերմերը
մեծ մասամբ փչացան անձրևից: Այս տարի տե-
ղային մետաքսը խիստ սակաւ կը լինի և բա-
ժոմները վատ:

Մամուլի տակից դուրս եկաւ և վաճառվում
է «Մշակի» խմբագրատուն մէջ, այլ և թիֆլիսի
հայ գրավաճառների մօտ Բաֆֆիի «Երկու թէ»
վէպը անուշով վէպի առաջին և երկրորդ մա-
սերը միասին կազմված: Գիրքը բաղկանում է
440 երեսներից, տպված է մաքուր թղթի վրա:
Գինն է 1 ր. 50: «Երկու թէ» երրորդ մա-
սը նոյնպէս լոյս կը տեսնի առանձին զբոյր,
երբ նրա տպագրութիւնը «Մշակի» մէջ աւարտ-
ված կը լինի, որովհետեւ «Մշակի» մէջ տպվելով,
մի և նոյն ժամանակ առանձին բրօշուր է կազմ-
վում:

Այսօր, հինգշաբթի, յունիսի 11-ին պ. Ա-
ղաման տալիս է Պալմի թատրոնում իր հը-
րաժշտի երկերով: Երեկոյցը բաղկացած կը
լինի երաժշտական և դրամատիկական երեք
մասերից: Առաջին մաս. «Փարիզի աղքատներ»
դրամայի առաջարան: Երկրորդ մաս. երաժշտա-
կան և դրամական: Երրորդ մաս. Երեկոյցի
«Լազարների» չորրորդ գործողութիւնը: Կը
մասնակցեն, տիկին Չմէկեան, օրիորդ Պօպով,
պ. պ. Չիսեան (որ կաճէ ջութակի վրա), Լէա-
րով, Չմէկեան, Աւարեանց և Տէր-Գալիանց:
Սկիզբը 8 ժամին, Գինը սովորական են:

Քաղաքում լուրեր են տարածված որ Թիֆլի-
սի սուրբ Նինայի օրիորդական դպրոցում և
օրիորդական ինստիտուտի գանձարաններից բա-
ւական մեծ գումարներ են վաճառված: Այդ եր-
կու հիմնարկութիւնների մէջ գանձապահ իշ-
խան Ալիքան լրիստօֆն է: Ասում են որ կա-
րած գումարը հասնում է 120,000 րուբլի:

Երեանի փոստատան կառավարչի նամակին,
որ տպված էր նորերում «Մշակի» մէջ, մենք
կարող ենք պատասխանել հետեւեալը: Մեզ անհ-
նարին է մատենացոյց անել փոստատան այն ծա-
ռայողների անունների վրա, որոնք իրանց սե-
փականացրել են լուսանկարներ և գրքեր, բայց
հրաւիրում ենք մեր թղթակցին յայտնել թէ ու-
րքեր են եղել, որոնք չին ստացել իրանց անու-
նով ուղարկված նամակները, լուսանկարները և
գրքերը:

Լսում ենք որ Թիֆլիսում հիմնվել է մի բա-
ժանորդական ընկերութիւն զեղատան ապրանք-
ները ծախելու: Ընկերութիւնը կը կրի «Գեղա-
տան ապրանքներ ծախող կովկասեան ընկերու-
թիւն» անունը: Ընկերութեան բաժանորդու-
թիւնը արժէ 500 րուբլ և բոլոր բաժինները ար-
դէն վեր առած են, այնպէս որ ընկերութեան
հիմնական գրամագույնը հասնում է 150,000
րուբլ գումարի: Ընկերութիւնը նպատակ ունի,
երբ նրա գործերը կընդարձակվեն, բացի ապ-
րանքների ծախուց, ձեռք առլ և զեղատան
նիւթերի տեղական արդիւնաբերութեանը: Չէ
կարելի չը համակրել այդ տեսակ օգտաւէտ հիմ-
նարկութեանը:

ԱՐՏԱՔԻՆ ՏԵՍՈՒԹԻՒՆ

ԳԵՐՄԱՆԻԱ

Կայսերական պարլամենտը, քննելով բան-
ւորներին ապահովելու օրինագիծը, հաս-
տատեց 12—42 յօդուածները: Նրանցից
նշանաւորը 13-դ յօդուածն է, որ վերաբե-
րում է ապահովական վարձատրութեանը:
Պարլամենտը մերժեց այդ յօդուածի կա-
ռավարական խմբագրութիւնը և ընդունեց
մանաժողովի խմբագրութիւնը, որի համե-
մատ ապահովական վարձատրութեան $\frac{2}{3}$
վճարում է գործատէրը, իսկ $\frac{1}{3}$ գործաւորը:
Վերջինի մասը կարելի է վճարել աղքատ-
ներին օգնող գանձարաններից: Այդ հարցի
մասին վիճարանութիւնների ժամանակ պար-
լամենտի սօցիալիստական կուսակցութեան
անդամներից մէկը պաշտպանեց Առեքի
առաջարկութիւնը, որի համեմատ ապահո-
վական վարձատրութիւնը պէտք է ամբող-
ջապէս գործատէրը վճարէ:

Ճառախօսը ասաց, որ սոփիսկ բանւորին
վճարել վարձատրութեան մի մասը, կը նը-
շանակէ խիւ նրանից մի ձեռքով այն, ինչ-
որ արվում է միւսով: Բացի այդ, նրա կար-
ծիքով, օրէնքը կատարեալ չէ, քանի որ
բանւորների մի մասը ապահոված կը լինի,
իսկ միւսը ոչ: «Եթէ այդ օրէնքը չէ վե-
րաբերում բոլոր բանւորներին, ասաց նա,
ուրեմն ո՛ւր է այն գործնական քրիստոնէա-
կան ոգին, որի մասին այստեղ խօսում էին:
Ես օրինազօրի մէջ տեսնում եմ մի ինքնու-
րոյն ոգի, որ մի քանի հարկատուներից
գրամ է վերցնում և տալիս է նրանց, ու-
րոնք արտօնութիւն ունեն»:

Առաջագէտ Բիխտեր յարձակվում էր իշ-
խան Բիսմարկի ամբողջ ներքին քաղաքա-
կանութեան վրա: Այն առաջարկութիւնը,
որի համեմատ պետութիւնը պէտք է տայ
բանւորին ապահովական վարձատրութեան
մեծ մասը, Բիխտեր մի միջոց է համարում
բանւորներին ստրկացնելու համար: «Այդ-
պիսով, ասաց նա, մենք յետ կը դառնանք
ոչ թէ 1848 թ., այլ 1808 թ., Ֆրիդրիխ-
Մեծի ժամանակներին, երբ գիշերներով
բռնում էին զինուորներին և երբ երկիրը
կառավարվում էր տասնապետի փայտով»:
Մնացած յօդուածները վիճարանութիւններ
չը ծագեցրին: Բայեսաագի նիստերը յետա-
ձգված են մինչև յունիսի 9-ը: Ընտրողա-
կան շրջանը արդէն սկսվել է:

Գերմանիայի մէջ շատ են խօսում ներ-
քին գործերի միջոցառումների վերջին
շրջաբերականի մասին, որ խոստանում է
համայնքներին ուսումնարաններից վերցնող
հարկերը փոքրացնել, եթէ կառավարու-
թեան ձեռնարկած հարկային վերանորո-
գութիւնները կաջողվեն, այսինքն եթէ ա-
ռաջիկայ ընտրութիւնների ժամանակ այն-
պիսի պատգամաւորներ կուղարկվին բայեսա-
տագ, որոնք համակրում են իշխան Բիս-
մարկի քաղաքականութեանը: Այդ շրջա-
բերականով ընտրողական արշաւանք է ըսկա-
վում առաջագէտների և ազգային-ազատա-
միտների ղեմ: Կիսապաշտօնական լրագիր-
ները մեղադրում են այդ երկու կուսակցու-
թիւններին, իրր թէ նրանք գրգռում են
Համբուրգ քաղաքին ընդդիմանալ կառավա-
րութեանը:

ԱՆԳԼԻԱ

Յունիսի 5-ին Լոնդոնում Հայդ-պարկի
մէջ կայացաւ իրանդական ժողով, որ շատ
բազմամարդ չէր անձրեկ պատճառով: Այ-
նու ամենայնիւ պարկի մէջ մի քանի խումբ
երբ էին հաւաքվել: Պարսկ մի ծառ ար-

տասանեց, որով պահանջեց Ֆերմերներին
արտաքսել դադարեցնել և Ֆորստերի
հրաժարականը, որի վարչական եղանակը
իրանդացիների համբուրգ թիւնը կարց:
Խօսեցին նոյնպէս իրանդացի մի քանի այլ
պատգամաւորներ, որոնք սատակ պախա-
րատեցը կարգի միջոցները: Նրանց կարծի-
քով անհրաժեշտ է դադարեցնել Ֆերմե-
րներին արտաքսել և ազատել բանտից իր-
անդական միութեան կալանաւորված ան-
դամներին:

Նոյն օրը Պարսկի քոյրը մի ծառ ար-
տասանեց իրանդիայի մէջ, բազմամարդ
ժողովի առաջ:

«Daily News» լրագիրը խորհուրդ է
տալիս կառավարութեանը դադարեցնել Ֆեր-
մերների արտաքսելը, որպէս զի իրանդա-
յի մէջ ապստամբութիւն չը ծագի:

Մի աստիճանաւորի վրա, որ կամենում էր
արտաքսել Ֆերմերին իրանդիայի կոմսու-
թիւններից մէկում, մի քանի կանայք յար-
ձակվեցան: Աստիճանաւորը հանեց իր բե-
ւոյրները և ուղղեց նրան մի կնոջ վրա: Այդ
ժամանակ նրա վրա յարձակվեցան բազմա-
թիւ կանայք, իսկ նրա բեւոյրները, ար-
ձակեցին օդի մէջ, հանեցին աստիճանա-
ւորի շորերը և կատարելապէս մերկացրած
նրան թողին փողոցի մէջ ընկած:

Անգլիական լրագիրները հաղորդում են,
որ ռուսաց կառավարութիւնը մտադիր է
Եւրոպայի մեյրաքաղաքների մէջ պոլիցիա-
կան կայարաններ հիմնել յեղափոխական
ներին վրա հակելու համար: Դենսկի մէջ
պոլիցիական չորս գործակատարներ կը լի-
նեն և երկու ծառայողներ: Նոյնանման կա-
յարաններ կը հիմնվեն Լոնդոնի, Փարիզի,
Վիեննայի, Բեռլինի և Հոսթի մէջ:

ԲՕԼԳԱՐԻԱ

Բօլգարիայի մէջ կատարվող անցքերը
գրաւում են պետութիւնների ուշադրու-
թիւնը, որոնք արդէն բանակցում են ի-
րանց այն ընթացքի առիթով, որ նրանք
պէտք է բռնեն, եթէ իշխան Ալեքսանդր
հրաժարվի բօլգարական գահից: Բ. Գոսթը
այդ բանակցութիւններին չէ մասնակցում
«Times» լրագրի տեղեկութիւնների հա-
մեմատ, պետութիւնների մէջ այն համոզ-
մունքն է տիրապետում, որ պէտք է ազա-
տութիւն տալ բօլգարացիներին իրանց ներ-
քին գործերի վերաբերութեամբ, քանի որ
նրանք չեն խանդարի Բեռլինի գաշնագրով
որոշված սահմանները:

Լոնդոնի լրագիրները հաղորդում են, որ
Ֆիլիպպոպոլից հասաւ Սօֆիա բօլգարական
էպարխոսը և անուանի բօլգարացիներից ժո-
ղով կազմեց, որ պէտք է քննել գանազան
միջոցներ իշխանին ժողովրդի հետ հաշ-
տեցնելու և համաձայնութիւն կայացնելու
համար: Կզգարխոսի ձեռնարկած գործի ա-
ջողութիւնը կասկածելի է:

Եթէ իշխան Ալեքսանդր հրաժարվի բօլ-
գարական գահից, նրան կը յաջորդէ Գա-
նիայի Թագաւորի փոքր որդի իշխան Վոյ-
րուհի, իսկ միւսը Ռուսաստանի Կայսե-
րին է, որ իշխան Վոլգեմար մեծ
պաշտպանութիւն կը գտնի: Կարծում
են, որ իշխան Ալեքսանդր ուրախութեամբ
կը հեռանայ Բօլգարիայից, եթէ կը հա-
մոզվի, որ բօլգարացիները անտարբեր են
մնում ղէպի նրա հրաժարականը: Այս-
դէպքում օտար պետութիւնները կառա-
ջարկեն իշխան Վոլգեմարին:

Բոլորական նախկին մինիստր Յանկով մի նամակ գրեց ռուսաց հաւատարմատարին Սօֆիայի մէջ, որով նա մեղադրում է իշխան Ալեքսանդրին սահմանադրութիւնը խախտելու մէջ: Ռուսաց հաւատարմատարը այդ նամակը յանձնեց բոլորական կառավարութեանը, առաջարկելով դատաստանի ենթարկել Յանկովին:

Սրէնսդրական ժողովի անդամները ընտրութիւնները նշանակված են յունիսի 27-ին, որպէս զի իշխանը միջոց ունենայ վերջացնել իր ճանապարհորդութիւնը Բոլգարիայի մէջ:

Յազիրի ակադեմիայի ուսանողները 170 ստորագրութիւններով ծածկված մի նամակ ուղարկեցին նախկին մինիստր Արափելովին, որի մէջ յայտնում են, թէ բոլորացիները պէտք է բոլոր միջոցները գործ դնեն և մինչև անգամ իրանց կեանքը զոհեն ձեռք բերած իրաւունքները պահպանելու համար: Սերբիական մի քանի պատգամաւորներ էլ այդպիսի նամակներ ուղարկեցին: Բերկացի նահանգի բնակիչները արտաքսեցին կառավարչական գործակաւորին: Բոլգարիայի մէջ պատերազմական դրութիւն է յայտնված: Վիդիկի պրոկուրորը կաշանաւորված է: Առհասարակ դործերի դրութիւնը չափազանց անհանգստացնող է:

ՖՐԱՆՍԻԱ

Ֆրանսիական մամուլը զբաղված է վիճաբանութիւններով ընտրողական նոր օրէնքի հարցով և քննում է սենատի բնած ընթացքը պատգամաւորների ժողովի վճիռները: Սերբիական մի քանի պատգամաւորներ էլ այն վճիռը, որ վերաբերում է պատգամաւորների ընտրութեանը: Ոչ ոք չէ հերքում, որ սենատը իրաւունք ունի իր հասկացողութեան համեմատ գնահատել պատգամաւորների ժողովի ներկայացրած օրինագիծները, բայց այս անգամ սենատը բարոյապէս իրաւունք չունի փոխել պատգամաւորների ժողովի վճիռը: Սենատի ընդդիմադրութեան դէմ այդ հարցի վերաբերութեամբ զամբաստայի կուսակիցները ասում են, որ փաստաւոր է իրիւր ժողովների մէջ թշնամութիւն յարուցանել և որ կարող է հարց ծագել բոլորովին ոչնչացնել սենատը իրեն մի հիմնարկութիւն, որ սահմանափակում է ժողովրդի ներկայացուցչների ազատութիւնը:

Գամբետայի «Republique Française» լրագիրը համառոտութեամբ երկու ձանապարհ է ցոյց տալիս սենատորներին. կամ հաստատել պատգամաւորների ժողովի վճիռը, կամ հաշտվել սենատը ոչնչացնելու մտքի հետ: Այսպիսի յօդուածները աւելի էլ կարող են զայրացնել սենատին և դըրդել նրան պահպանել իր հեղինակութիւնը, չը նայելով զանազան սպառնալիքներին: Այնքան է, որ Գամբետայի բարեկամները իրանց համար անաջողութիւն են պատահում իրանց չափազանց մեծ եռանդով: Եթէ սենատը իրաւունք չունի հաստատել կամ մերժել պատգամաւորների ժողովի ընդունած օրինագիծը, ուրեմն սենատի գոյութիւնը աւելորդ է: Սենատը իսկապէս հիմնված է իրեն օրէնսդրական երկրորդ խորհուրդ օրէնքներ վերաքննելու համար և, եթէ նա չը կատարէ իր այդ կոչումը և բաւականանար միայն հաստատելով զանազան օրինագիծները առանց նրանց փոփոխելու, այն ժամանակ նա կապալուցանէր իր գոյութեան ապարդիւն լինելը: Այս

անգամ սենատը աւելի էլ մեծ կասկածանքով կարող է վերաբերվել պատգամաւորների ժողովի վճիռին, որովհետեւ նրան նպաստել են հանրապետականների և բուրժուարականների զանազան խումբեր, որոնք միմեանց հետ շատ քիչ համերաշխ են:

Հանրապետութեան շահերին նայելով, աւելի լաւ կը լինէր հրաժարվել ընտրողական ձեռք փոփոխելուց, քանի որ այդ փոփոխութիւնը պէտք է ձեռք բերել հանրապետականների անհամաձայնութեան դրոշմի նշագէտ երեւում է, Ֆրանսիական սենատը աւելի մեծ նշանակութիւն է տալիս հանրապետութեան նախագահ Գրիվի կարծիքին ընտրողական հարցի վերաբերութեամբ:

Նորբուրմ ֆրանսիական կառավարութիւնը նախազգուշացրեց պապին, որ նա յետ կը կանչի իր ներկայացուցչին Վատիկանից, եթէ հոգեւորականները ֆրանսիայի մէջ կը խառնվին ընտրութիւնների մէջ և զանազան ցոյցեր կանեն:

Տունիսից ստացված տեղեկութիւններից երեւում է, որ բէյը մեծ պատրաստակարարութեամբ կատարում է ֆրանսիացիների ցանկութիւնը: Գրիվի, տեղեկանալով, որ բէյը մտադիր է մի գնապան ուղարկել Փարիզ, յայտնեց նրան, որ ֆրանսիական կառավարութիւնը մեծ ուրախութեամբ կընդունի Տունիսի գնապանին:

ԹԻԻՐԻԿԻԱ

Միտհազ-փաշային կաշանաւորելու մասին հաղորդում են հետեւեալ տեղեկութիւնները: Նշագէտ յայտնվում է, Միտհազ-փաշա չը յանձնվեցաւ թիւրքաց իշխանութեանը ֆրանսիական հիւպատոսից, այլ ֆրանսիական գնապանատան վճիռը իմանալուց առաջ նա ցանկութիւն յայտնեց թողնել հիւպատոսարանը Միտհազ-փաշա վարկեցաւ այդպէս թիւրքաց արդարութեան մինիստրի հետեւեալ հեռագրից զրգոված. «Նա չէի հաստատ այն լուրին, որ դուք ծածկվել էք ֆրանսիական հիւպատոսի մօտ, եթէ նա պաշտօնապէս չը ստոյգվէր: Դուք յայտնում էք, որ կը ներկայանաք Կ. Պօլիս դատարանին այն պայմանով, որ պետութիւնների հովանաւորութեան տակ լինէք: Ձեզ պէտք է յայտնի լինի, որ անկարելի է հովանաւորել յանցանքի մէջ մեղադրված մի անձին: Մեր դատարանները յայտնի են իրանց արդարութեամբ և անկողմնապահութեամբ»:

Ֆրանսիական հիւպատոսը մինչև անգամ իրաւունք չունէր յանձնել Միտհազին թիւրքաց իշխանութեանը, որովհետեւ նրա ծածկվելուց յետոյ բոլոր հիւպատոսները մի պրոտոկոլ էին կազմել և յայտնել էին, թէ Միտհազ-փաշա ժամանակաւորապէս բոլոր հիւպատոսների հովանաւորութեան տակ է գտնվում:

Քիւրդերի շէյխ իբրաիմլահ մի շրջաբերականով հրաւիրել է Կիւրդերին քիւրդերին պատերազմել Պարսկաստանի դէմ, ասելով, թէ Բ. Կուրը այդ բանը ցանկանում է: Կիւրդերին պաշտօնական լրագիրը բողոքեց դրա դէմ, ասելով, թէ Բ. Կուրը և Պարսկաստանի յարաբերութիւնները այժմ ամենարեւելաւորական են և թէ ստատիկ կը պատժվեն նրանք, որոնք կը կատարեն շէյխի հրաւերը:

«Standard» լրագիրն հաղորդում են, որ Եանիսայի նահանգապետի հրաւերը ալբանցիներին՝ Յունաստանին ընդդիմադրելու համար այն նպատակով էր արված, որ կաշանաւորվին ալբանական շարժման առաջնորդները: Այդ խորամանկութիւնը աջող-

վեցաւ և այժմ 10 ալբանցի առաջնորդներ կաշանաւորված են Պրեզիդէնտի բանտի մէջ: Ասում են, որ Եանիսայի նահանգապետի խորամանկ միջոցը մեծ հարուած հասցրեց ալբանցիներին, որոնց այժմ սարսափ է տիրել:

Աւագակութիւնները Սալոնիկի շրջակայքում, Կալիբուի և Թէսսալիայի մէջ, հետզհետէ սաստկանում են: Նորբուրմ 150 մարդուց կազմված աւագակների մի խումբ մօտեցաւ Կալիբուի գիւղերից մէկին: Աւագակապետը, որ մի կին է եղել, մտաւ գիւղը և պահանջեց գիւղացիներից պաշարներ իր զօրքերի համար: Կիւրդացիները, աւագակներին կանոնաւոր զօրքերի տեղ ընդունելով, շտապեցին կատարել այդ պահանջը, իսկ աւագակները շրջապատեցին նրանց, կողոպտեցին և պատանդ վերցրին չորս տղամարդ և չորս կինարմատ, որոնց համար 20,000 թիւրքաց լիւր վարձատրութիւն են պահանջում:

ԱՐՏԱՔԻՆ ԼՈՒՐԵՐ

«Կ. Պօլիսի հեռագրում են «Daily News» լրագիրն որ սուլթանը նշանակել է մի յանձնաժողով որ պէտք է մէկիս թէֆուրների ծրագիրը, համաձայն թերթին դաշնագրի 61-րդ յօդուածին, որ պարտնակում է իր մէջ Հայաստանի վարչութիւն և ան հիմքը: Կառավարութիւնը գիտատրութիւն ունի ներկայացնել այդ պրոէկտը եւրոպական պետութիւնների քննութեանը և այդպիսով յանձն ասնել վերանորոգութիւնները մտնելու ինիցիատիվը: Արժում են, մինչև անգամ, որ Բ. Կուրը կը հրատարակի մի պրոէկտ գաւառական հիմնարկութիւնների թէֆուրների մասին, առհասարակ, և այդպիսով եւրոպական պետութիւնների միջամտութեան առաջ կաննի:

«Gazette de Lausanne» հաղորդում է որ Յիւրիկ կանտոնի կառավարութիւնը արդիւն է գումարել Յիւրիկում սօցիալիստների միջազգային ժողով, որ լինելու էր սեպտեմբեր ամսին:

ԽԱՌՆ ԼՈՒՐԵՐ

Իրիւսել քաղաքի մէկ սպեռակաւ, որպէս garde civique-ի անդամ, մասնակցելով պաշտական վերջին տօնախմբութիւններին Վիլնիւայում, հետեւեալ էր պատմում միմիտարների խորհրդի նախագահ և թէլիայի իրիւսել պետական անձին: Ֆրէր-Օրբանի կեանքից: 30 տարի առաջ Ֆրէր-Օրբան երիտասարդ պաշտօնեայ էր ֆինանսների միմիտարութեան մէջ, և իր ընդունակութիւններով մեծ յոյսեր էր տալիս նա. բայց նրա բոլոր հարստութիւնը յոյսերն էին: Այնու ամենայնիւ, նա աշխատեց համարձակ էր, որ աչք բարձրացրեց մէկ հարուած և հպարտազնունական ընտանիքի ազնկայ վրա նամբուրում: Այսպիսի ցանկութեան անդուստլի լինելը հասկանալի էր ամենքին, որովհետեւ ֆրանսիացի գուղ ազնուականը այնքան չէր ստորաւայ, որ իր ազնկայ ձեռքը տար մի որ և է գիւղացի պաշտօնեային: Բայց Ֆրէր-Օրբանի սրտի ընտրելին բաւական մեծ խեղճ և համարձակութիւն ունէր և վճռեց ինքն յաղթել այն բոլոր դժուարութիւններին, որոնք արդեւաւր ինքն լինում իրանց բաղդին: Մի անգամ ազնկայ նամակով հրաւիրեց Ֆրէր-Օրբանին մասնակցել երեկոյեան, թատրոնական ներկայացման ժամանակ, իր ծերունիներ լոճան: Երբ երիտասարդ մարդը եկաւ, ազնկայ կանգնեց, մօտեցաւ նրան, գրկեց և համբուրեց նրան բոլոր հասարակութեան առաջ, չը նայելով իր ծնողները սարսափին և զարմանքին: Ենթե իրան հասկանալի է, որ այս անսարման իր ազնկայութիւնն ունեցաւ: այդպիսի սկանդալից յետոյ ծնողների կողմից այլ ևս ոչ մի ընդդիմադրութիւն չէր կարող լինել, և սիրահարների նշանվելը հենց նոյն երեկոյ կատարվեցաւ: Այդիսով արիւն Ֆրէր-Օրբան կատարելապէս տիրապետեց իր մարդուն: Յոյսերը, այնու ամենայնիւ, ի դուր չանցան. այժման մի-

նիստը արագ բարձրանում էր հասարակական սանդուղքի մէկ աստիճանից դէպի միւսը. շնորհիւ իր ճարտարախօսութեան, հաստատ բնաւորութեան և անշիղ դիմօրհատական ուղղութեան, Ֆրէր-Օրբան, թէլիական ժողովրդի սիրելի առաջնորդը դարձաւ: Ֆրէր-Օրբանի անունը սակէ տառերով է գրված Թէլիայի պարլամենտական պատմութեան ժամանակագրութեան մէջ. նրա փառքը մինչև անգամ իր հայրենիքի սահմաններից դուրս էլ տարածվեցաւ:

Մէկ տիկին Ամերիկայում, կամենալով անուն ստանալ, բժիշկ ճաննելի նման, վճռեց քառասուն օր լուել իր այդ դիտաւորութիւնը նա առաւօտեան 9 ժամից սկսեց և երեք օր շարունակ քաջութեամբ տարաւ այդ լուութիւնը: Չորրորդ օրը նրա երակը սկսեց աւելի թոյլ խփել, նշատութիւնը կարճացաւ: Հրաւիրված բժիշկը յայտնեց, որ հիւանդի կեանքին վտանգ է սպառնում, եթէ նա չընդհատի իր լուութիւնը: Բըժիկի խօսքը և ծնողների աղաչանքը նրա վրա չազդեցին: Նա շարունակեց կամակոր լուութիւն պահպանել: Երկուրդ նրա կեանքի մասին աւելի և աւելի մեծացաւ: Վերջապէս, եօփերով օրը նրա ծանօթներից մէկի գլխում մի բաղդաւոր միտք ծաղկեցաւ: Նա սկսեց նրա ներկայութեամբ նրան յայտնի զանազան դէպքեր պատմել և ամեն կերպ աղաւաղում էր նրանց: Այդպիսի լիբրոտախօսութիւնը վրդովեց հետաւորներ, որը յանկարծ բացեց լեզուն և տասը ժամ շարունակ խօսում էր առանց հանգստանալու: Այդպիսով նրա վճիռը ցանկացած եզրակացութիւններին չը հասաւ:

«Figaro» լրագիրը գերմանացիների մայրաքաղաքի տեղափոխութեան դիտաւորութիւնը Ֆրանսիայում Մայնի վրա օրդէն փաստ համարելով պատմում է այդ առիթով հետեւեալ անէկզօտը: մէկ պրոտական օֆիցեր նորբուրմ ֆրանսիկֆուրտի մայր եկեղեցին այցելեց: Եկեղեցական սպասաւորը, ցոյց տալով նրան հնութեան զանազան միշտատներ, նրա ուշադրութիւնը դարձրեց արծաթեայ մկան վրա, որ ընծայված էր տաճարին ուխտագրութեամբ: Օֆիցերի հարցմունքին արծաթեայ մկան խորհրդաւոր նշանակութեան մասին, սպասաւորը ասաց նրան, որ հետո անցելով, իր բոլոր ֆրանսիկֆուրտը կատարելապէս լցված էր մկանի խմբերով և ոչնչով չը կարողացան օգնել այդ թշուառութեանը, ոչ հարկաւորաւոր կատարներ և բուլգոֆեր, ոչ էլ զէնքերը, այն ժամանակ մէկ աստուածապաշտ կին բերեց տաճարը, ուխտագրութեամբ, այս արծաթեայ մակը, և միւս օրը բոլոր մկանը կուրան: Պրոտական օֆիցերը բարձր ձայնով սկսեց ծիսակը: «Մի՛թէ ֆրանսիկֆուրտները այնքան պարզամիտ են, որ այդպիսի յիմարութիւններ պատմում են և հաւատում են նրանց», ծիսակը լով ասաց օֆիցերը: «Եթէ պատմում ենք, պատմաւորներ եկեղեցական տապաւորը և չենք հաւատում, որովհետեւ, եթէ հաւատալիս լինէինք, վաղուց արդէն ուխտագրութեամբ կընծայէինք ի: Աստուածամեծն արծաթեայ պրոտացուն»:

ՄԵՇԱԿԻ ՀԵՌԱԳԻՐՆԵՐ

ՄԱՍՆԱՌՈՐ ԹՂԱԿԱՅՆՆԵՐԻՑ

ՄՈՍԿՎԱ, 9 յունիսի: Չեր լրագրի 98 համարի մէջ տպված լուրը կամօղիկոսի փաստեցաւ որ հիւանդութեան մասին խոր ապաւորութիւն է գործել այստեղի հայերի վրա: «Մշակ» առաջարկութեան համեմատ դիտաւորութիւն կայ այստեղից էլ պատգամաւորութիւն ուղարկել խմբակներ: Հասարակութիւնը պահանջում է կամօղիկոսի առողջութեան մասին բիւլլետեններ:

ԵՐԵՒԱՆ, 9 յունիսի: Վանից եկած տեղաւորները այսօր որպէս հաստատ հաղորդեցին, որ շէյխ Իրաքուլլահ կաշանաւորված է և պահվում է վանի բերդում:

ՄԻՋԱԶԳՈՍԻՆ ԲԵԿԵՐՈՒԹԵՆԻՑ

Ս. ՊԵՏԵՐԲՈՒՐԻ, 9 յունիսի: Երէկ իշխան Միլան ճանապարհ ընկաւ Պետերբուրգից դէպի Վիեննա, իսկ կոմս Միլլեռնին—Խրիմ:

ՍՕՖԻԱ, 8 յունիսի: Բոլորական 99 գիւղերի բնակիչները քահանաների ներկայութեամբ երգիքներ սահմանադրութիւնը պաշտպանել:

Ս. ՊԵՏԵՐԲՈՒՐԻ, 9 յունիսի: Պաշտօնապէս հրամայված է սկի բոլոր նշանները փոխարինել, կրկնով արմուկից բարձր ձախ ձեռքի վրա սե կապ, երկու վերջով լայնութիւն ունեցող հարթ բանտով:

ՄԱՐՍԵԼ, 8 յունիսի: Այստեղ արիւնահեղ կռիւներ պատահեցան ֆրանսիացիներ և խաչապանների մէջ. սպանված են 8, վիրաւորված են 23 մարդիկ, բանտարկված են 65 անձինք:

Խմբագիր—հրատարակող ԳՐԻԳՈՐ ԱՐԾՐՈՒՆԻ